



Širom svijeta World Vision nastavlja djelovati sa ciljem zaustavljanja širenja pandemije COVID-19 kroz 4 područja :

CILJ 1



Intenziviranje preventivnih mjera kako bi se ograničilo širenje bolesti

CILJ 2



Jačanje zdravstvenih sistema i zdravstvenih radnika

CILJ 3



Podrška djeci na koju utječe COVID-19 kroz obrazovanje, zaštitu djece, hranu i sredstva za život

CILJ 4



Saradnja i zagovaranje kako bi osigurali zaštitu djece

Kraj zime 2021. godine je u BiH obilježen povećanjem broja inficiranih korona virusom, te je klinička slika oboljelih od bolesti COVID-19 ozbiljnija u porođenju sa prethodnim periodom. SZO je odobrila upotrebu vakcina protiv bolesti COVID-19. Prve vakcine dostupne su i u BiH, ali u malim količinama, te su mjere fizičkog distanciranja i nošenja maski prilikom kretanja u javnom prostoru još uvijek najefikasniji metod u borbi protiv širenja korona virusa. Ograničeno kretanje i ograničen rad poslovnih subjekata u određenim djelatnostima ostavilo je posljedice na bh. ekonomiju, zbog čega je veliki broj ljudi ostao bez posla. Svjesni poteškoća koje je ranjivim kategorijama u BiH donijela kriza izazvana globalnom pandemijom COVID-19, World Vision BiH ranjivim im kontinuirano distribuira pakete podrške. Pored toga, World Vision BiH je intenzivirao aktivnosti usmjerene na ekonomski oporavak pogodjenih porodica u područjima gdje djelujemo. Sve programske aktivnosti World Vision BiH obavlja u skladu sa epidemiološkim mjerama, te nastavlja raditi na podizanju javne svijesti o ozbiljnosti bolesti i važnosti pridržavanja preventivnih mjera.



Ekonomsko osnaživanje domaćinstava

25 porodica sa djecom iz dobojske regije, koje su u proteklom mjesecu primile poljoprivredne mašine, već su počele sa obradom zemljišta i korištenjem motokopačica, motornih pila i aparata za varenje. World Vision BiH je porodice odabralo na osnovu procjene potreba u ovoj regiji, a sve porodice imaju mogućnost da dodijeljeni alat iskoriste u svrhu namicanja sredstava ili proizvodnje hrane.

33 ranjive porodice sa djecom iz zvorničke regije su primile plastenike i već počele sa proljetnom sjetvom. Plastenike smo obezbijedili u saradnji sa Općinom Zvornik. Porodice će u plastenicima proizvoditi hranu za vlastitu upotrebu, a prodajom viška nadoknaditi manjak novca u kućnom budžetu.



PRIČA
Podrška mentalnom zdravlju djece i mladih

Preventivna priča je projekt koji najviše iščekuju mladi, a koji će im pružiti priliku da sa stručnom osobom razgovaraju o stanjima i osjećajima prouzrokovanim pandemijom virusa COVID-19, diskriminaciji i etiketiranju, samopoštovanju, depresiji i anksioznosti.

ABECEDA BRIGE O PLANETI ZEMLJI



Očuvanje prirodnih resursa

U okviru projekata kojima doprinosimo ekološkom osvještavanju djece i mladih, razvili smo informativne i edukativne materijale, te smo pripremili materijale za edukativno-kreativne radionice kojima će se djeci i mladima približiti ideja važnosti očuvanja prirode i njenih resursa. Pored toga smo u saradnji sa Izviđačima iz Vareša i lokalnim društveno odgovornim kompanijama pokrenuli čišćenje riječnih korita, okoliša i sadnju drveća u ovom kraju.



Učešće djece u donošenju odluka

U cilju omogućavanja da se čuje glas djece i mladih, organizacije World Vision BH Fondacija i Udruženje "Naša djeca" Sarajevo, uz podršku Europske unije u BiH pozivaju grupe djece i mladih, uzrasta 12-25 godina da se prijave na poziv za učešće u radu web platforme koja će omogućiti direktni kontakt sa donosiocima odluka i omogućiti da glas djece i mladih dovre do onih koji oblikuju i donose politike za njihovu budućnost. Više informacija i link za prijavu dostupan je na www.worldvision.ba.

Sigurno školsko okruženje

Samo 10% škola u FBiH i Distriktu Brčko je sigurno, rezultat je istraživanja koje smo proveli u 2018. godini. U sklopu projekta Sigurno školsko okruženje World Vision BiH planira unaprijediti sigurnost 10 škola u 2021/22. godini. Aktivnosti unapređenja sigurnosti u školama su dio zajedničkog programa „Smanjenje rizika od katastrofa za održivi razvoj u Bosni i Hercegovini“, koji finansiraju Vlada Švicarske i Ujedinjene nacije (UN), a provode UN agencije: UNDP, UNICEF, UNESCO, UNFPA i FAO.

Podrška djeci i porodicama u pokretu

World Vision BiH nastavlja provoditi aktivnosti u Prihvatnim centrima Blažuj, Ušivak i Salakovac. Djeca koja trenutno borave u kampovima učestvuju u psihosocijalnim i edukativnim radionicama koje provodimo u partnerstvu sa UNICEF-om, a kroz projekt finansiran od strane EU. Pored toga, djeca bez pravnje učestvuju u psihosocijalnim radionicama koje su provedene kroz projekt koji podržava GIZ. "Muzika mi pomaže da zaboravim probleme i ono kroz šta sam prošao. Daje mi snagu da nastavim dalje", kaže jedan od učesnika.



BUDI ČUVAR DJEĆIJIH SNOVA

Doniraj za obrazovanje i sretnije djetinjstvo najranjivije djece u BiH i osiguraj im šansu za bolju budućnost.

Više informacija i uplate donacija na: www.worldvision.ba



NJIHOVI SNOVI
TREBAJU NAŠU PODRŠKU.

World Vision
BOSNA I HERCEGOVINA

